



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex
maiorum ingenio, Theoria, Praxis, obligatio, & exquisitus vsus, additis
opportune Decretis omnibus S. Rituum Congreg. quàm breuissimè
explicantur.

Gavanti, Bartolommeo

Venetiis, 1647

De Mutatione Offic. diuini. 2.

urn:nbn:de:hbz:466:1-9521

suscepta legitime; *Nauarrus num. 33.* neque studium litterarum, etiam si per substitutum seruiatur Ecclesie, *idem nu. 31.* Septimò, ob carentiam Breuiarij, etiam ex culpa, à qua non excusatur, tamen ab officio excusatur. *Azor. cap. 13. quæst. 16.* An verò à toto, vel à parte excusetur, eadem dicitur, quæ suprà de infirmo, & cæco. Octauò, ignorantia regularium officij excusat, licet peccet, qui suscipit ordinem, vel beneficium cum hac ignorantia. *Nauar. num. 20.* nisi bona fide suscipiat, se statim cum alio recitaturum. *Azor. quæst. 18.* Nond, merus mortis excusat, si ab hostibus Ecclesie periculum vitæ immincat, *idem Azor. quæst. 19.* Decimò, si absoluitur à Papa, non tenetur recitare; *Nauarr. cap. 11. num. 31.* ab Episcopo non potest absolui. *num. 24.* Potest autem religiosus, vt religiosus, non teneri, ex dispensatione Superioris, vt, ex causa studiorum, vel alia iusta; quia potest Superior in legibus Religionis dispensare: *Lessius cum Bonac. disp. 1. quæst. 2. punct. 2. num. 9.* Superiorem intellige supremum, ait *Bonac.* Denique tenuitas beneficij non ultra octo ducatos, ex quadam æquitate, Confessarij prudentis arbitrio, excusare potest à quotidiana officij recitatione, dummodo diebus festis recitetur. *Homobon. noster tract. 4. c. 5. quæst. 33.* quod & concedunt alij apud *Mollesium trac. 5. de hor. can. cap. 3. num. 26.* quando non excedit sexdecim ducatos.

De mutatione Officij diuini.

Tit. 2.

1 **S**acra Rituum Congregat. respondit, non esse relinquendum officium debitum pro alio officio deuotionis. die 29. Nouemb. 1603.

2. Episcopus Regularis debet officium recitare iuxta ritum suæ Diocesis, non regulæ, & occurrente festo Regulæ in festo Diocesis, hoc præferri debet. ita censuit Sacra Rituum Congregatio 11. Iunij 1605.

D. Barth. Gauant. Tom. II.

3. Cappellani Episcopi, qui cum eo recitant officium, debent se illi conformare, eadem Congregat. die eadem.

4. Qui sunt de gremio Ecclesie; debent recitare officium, quod in Choro dicitur, & licet extra Ecclesiam, vel Diocesim morentur, decet eos recitare officium proprium Ecclesie ipsorum, eadem Congreg. die 8. Septemb. 1602.

5. Clerici, licet adscripti alicui Ecclesie, & eiusdem seruitio, non tamen obligati Choro, & quicumque alij Clerici seculares, Regularesue in Ciuitate, vel Diocesi commorantes, non tenentur recitare officia propria Sanctorum illius Diocesis, vel quæ de consuetudine in eadem Ecclesia recitantur in Choro. eadem sacra Congregatio die, qua supra 8. Sept.

6. Festum Patroni principalis loci tenentur omnes cum officio de eodem, etiam Regulares, celebrare; non autem octauam Regulares, vt censuit sepius eadem Sacra Congreg. & postremo 27. Maij 1628.

7. His casibus exceptis, & alijs, qui habentur apertè in Rubricis, seu Decretis Sacr. Congreg. De quibus nos infra suis locis; non licet mutare officium vnius diei in Breuiario Romano præscriptum in officium alterius diei; & qui mutat, præcepto non satisfacit. *DD. apud Bonacin. quæst. 3. puncto 1. num. 17.* & fusius probat *Hieron. Onuphrius in aureo hac de re opusculo Bononia edito; quod, ne unquam pereat, dabimus in calce huius Voluminis:* tum quia Ius V. in Bulla non modo præcipit substantiam, sed etiam modum, & formam Horarum Canonum quia motus ille fuit, grauissimè ferens varietatem orandi, & *Suarez tom. 2. de relig. lib. 4. cap. 23. nu. 12. & 14.* ita improbat mutationem, vt si fiat, sine causa rationabili, improbabilem eam esse mutationem prorsus existimet. Addit *Bonacin. num. 19.* neque Episcopum posse hanc præscribere mutationem: quod intellige cum *Suar. loco citato cap. 11. num. 6. & cap. 23. num. 17.* si ab Episcopo id fiat ex lege, aut quasi permaneret, quod, ait, ad Papam spectare. Quod si mutatio

A ; fiat.

fiat, etiam ex inaduertentia debent omiffa fuppleri. *Tolet. in summ. lib. 2. cap. 13. num. 6. & Bonacina num. 18. loco citato.* quare in hac re non audiendus *Sylu. V. Hora quest. 12. qui ante Pium Quintam vixit, neque Nauar. qui capit. 19. num. 217. ante Pium fcribens permittit, si raro mutatio fiat.*

8 Sed neque fieri potest mutatio ritus, vt scilicet duplici ritu celebretur Festū, quod alias simplici sub ritu, vel semiduplici decretum est. *Doblores qui supra.* Et sacra quidem Congr. Rituum die 23. *Novembris 1602.* decreuit, quod de Sancto cuius insignis Reliquia habetur, fieri potest Officium duplex minus in eius festo; dum modo sit Reliquia approbata, ea prorsus regula, qua *Greg. XIII. die 30. Decemb. 1573. in Bulla, quam affert Genuensis in praxi Neapolit. cap. 65. in 3. edit. 1616. concellerat Ecclesijs Hispaniarum festa sanctorum naturalium, & quorum reliquias insignes haberent, sub ritu duplici celebrare posse; licet in Breuiario non existerent, vel minori ritu haberentur.* Vide infra *sect. 3. cap. 3. num. 5.*

9 Denique eadem Sacra Rituum Congr. decreto edito die 8. *Aprilis 1628.* Rubricis Breuiarii nunc addito, & approbato à Sanctiss. D. N. Urbano Octauo, censuit, & re mature discussa decreuit, non potuisse, neque posse locorum Ordinarios tam seculares, quam regulares addere Calendarijs etiam proprijs (quod idem est, ac mutare Calendarium Romanum) Sanctorum Officia, nisi ea dumtaxat, quæ Breuiarii Romani Rubricis, vel Sacra Rituum Congregationis, seu Sedis Apostolicæ licentia conceduntur; sub pœna; quod non fiat satis obligationi recitandi distincti Officij, & consequenter non faciendi à clero fructus suos beneficiorum.

10 Et multo minus adhiberi possunt officia festorum alia à Sacra Rituum Congregatione non approbata, quæ in predicto Decreto eadem merito reiecit, & damnauit, & pro reiectis, & damnatis haberi voluit, & præcepit; sub pœnis

contentis in Indice librorum prohibitorum ex Decreto Conc. Trident. edito, & impresso; hoc est, vt, præter peccati mortalis reatum, quo afficitur ille, qui prædictis vitur, iudicio Episcoporum seuerè puniatur; quod expressè habetur in *Regula 10. in fine, & in Bulla Pij IV. 24. Mart. 2564. pro eodem Indice data.*

11 Neque item potest Episcopus extendere officium, quod fieri solet in Ciuitate ad suam Dioccesim contra Decretum hac de re à Sac. Rit. Congregat. die 16. *Januarij 1607.* & consequenter multò minus officium, seu lectiones approbatas pro vna Ecclesia, illud, vel illas extendere ad alienas Ecclesias, sui que cleri vsum. Habes hoc idem in Decretis Sac. Congreg. Rit. in Breuiario apposis.

12 Atque in prædictis *num. 8. & 9.* strictim est accipiendum nomen, *Sancti*, hoc est, canonizati ab ecclesia, seu per immemorabile tempus habitū pro sancto, cui tantum publicus, & vniuersalis conceditur cultus à *Glossa in cap. vnic. de reliq. & vener. SS. in 6. §. sedis Apost. vers. diuimus.* quam sequitur *Cassaneus in catal. glor. mundi part. 3. consid. 46. §. aduerte,* etenim sedes Apostolica, quoad locum, tempus, ritum in Beatorum cultu limitate procedit; veluti nuper de B. Rocho nondum canonizato concessit officium, & Missam in ecclesijs tantum eius nomine dicatis, & in eremitorijs eiusdem habentibus requisita ecclesiarum, per sacram Rituum Congr. die 26. *Novemb. 1629.* quod idem monui, quia, licet in Martyrologio recensentur, non tamen in rigore appellantur Sancti: & ibidem multi dicuntur Beati, qui nondum fuerunt canonizati, illud enim verum est, quod quilibet Sanctus dicitur Beatus; non e contra, Beatus dici potest Sanctus, nisi improprie & abusuè.

De intentione Officij diuini. Tit. 3.

1 **S**ufficit intentio implicita orandi Deum. *Nauarr. cap. 13. num. 15.* & habetur in sola Breuiarii acceptione, vt recitetur officium.

2 Qui